

## Evening Dogri

### Bulletin

04-12-2024

- राष्ट्रपति द्रौपदी मुर्मू होरें आखेआ ऐ जे भारत दी भूगोलिक स्थिति ते लम्मी समुंदरी रेखा, इस गल्लै दी तगड़ेयाई कन्नै हिमायत करदे न जे भारत इक म्हान समुंदरी ताकत होना लोडचदा ऐ।
- विदेशमंत्री डॉक्टर सुब्रह्मण्यम जयशंकर होरें भारत ते चीन बश्कार बेहतर सरबंधें गी बढ़ाने आस्तै सीमावर्ती क्षेत्रें च शांति ते स्थिरता दे महत्व पर बल दिता ऐ।
- ग्रामीण विकास मैहकमे दे केंद्री मंत्री शिवराज सिंह चौहान होरें आखेआ जे सरकार नै अगले 5 बरे आस्तै 2 करोड 95 लक्ख घरें दा निर्माण गरीब लोकें लेई करने आस्तै मंजूरी दिती ऐ।
- दवेन्द्र फडणवीस होर कल महाराष्ट्र दे मुख् मंत्री दे तौर पर सगंध लैडन।
- इराईल ने चेतावनी दिती ऐ जे जेकर हिजबुल्लाह कन्नै संघर्ष विराम दा उल्लंघन हन्दा ऐ तां ओहू लेबनान च हमले करोग।
- शारजाह च अंडर-19 एशिया कप क्रिकेट प्रतियोगिता च भारत नै यू.ए.ई गी 10 विकेटें कन्नै हराई दिता।

<><><><><><>

### Prez. Navy Day

राष्ट्रपति द्रौपदी मुर्मू होरें आखेआ ऐ जे भारत दी भूगोलिक स्थिति ते लम्मी समुंदरी रेखा, इस गल्लै दी तगड़ेयाई कन्नै हिमायत करदे न जे भारत इक म्हान समुंदरी ताकत होना लोडचदा ऐ। उनें आखेआ जे भारत दी अर्थबवस्था लगातार बधै करदी ऐ ते एहदे चलदे अज्ज पूरी दुनिया च भारत दा कद बी बधै करदा ऐ। उनें आखेआ जे देसै गी इस गल्लै दा पक्का जकीन ऐ जे स्हाडी नौसेना 2047 तगर विकसित भारत लेई समुंदरी सुरक्षा गी होर अगगे बधाने दा कम्म बखूबी अंजाम देग। ओडीशा दे पुरी च अज्ज नौसेना दिवस आहले समारोह गी संबोधित करदे होई राष्ट्रपति होरें पाकिस्तान कन्नै 1971 दी जंग च सर्वोच्च बलिदान देने आहलें गी श्रद्धांजलि अर्पित कीती ते आखेआ जे उंदे बलिदान लेई राष्ट्र सदा उंदा कर्जदार रौहग।

<><><><><><>

### President

राष्ट्रपति द्रौपदी मुर्मू होरें गलाया ऐ जे आयुर्वेद दे क्षेत्र च होर मता शोध होना लोडचदा ऐ की जे एहू लोकें दे जीवन दा अनचुट हिस्सा बनी चुके दा ऐ। उनें आखेआ जे आयुर्वेद दे इलाज

कन्नै केई परानियें बमारियें दा बी इलाज मुमकन ऐ ते इस्सै लेई स्हाडे देश दे मते सारे लोकें आयुर्वेद दी दवाइयें उप्पर गै भरोसा करदे ना। अज्ज पुरी च गोपाबंधु आयुर्वेद महाविद्यालय दी 75में स्थापना दिवस दे मौके उप्पर बोलदे होई राश्ट्रपति होरें आखेआ जे केंद्र सरकार दा आयुष मंत्रालय आयुर्वेद ते योग गी मते शा मते लोकें दे जीवन दा हिस्सा बनाने लेई सब्बे लोड्चदे यत्न करा'रदा ऐ तां जे लोक रोगमुक्त होइयै नरोआ जीन जीऽ सकन।

<><><><><><>

## LS Jaishanker

विदेशमंत्री डॉक्टर सुब्रह्मण्यम जयशंकर होरें भारत ते चीन बश्कार बेहतर सरबंधें गी बढ़ाने आस्तै सीमावर्ती क्षेत्रें च शांति ते स्थिरता दे महत्व पर बल दिता ऐ। चीन कन्नै भारत दे सरबंधें पर अज्ज राज्यसभा गी सम्बोधित करदे होई डॉ. जयशंकर होरें आखेआ जे औने आले दिनें च दोनें मुलखें बश्कार चर्चा तनाव घट्ट करने ते असरदार सीमा प्रबंधन पर केंद्रित होग। पूर्वी लद्दाख च अप्रैल-मई 2020 च भारत ते चीन दी सेना बश्कार टकराव पर डॉ. जयशंकर होरें आखेआ जे 2020 सोयां भारत-चीन सरबंध असामान्य राए ना। जिसलै चीनी कम्में दे नतीजें च सीमावर्ती क्षेत्रें च शांति भंग होई गेई ही। उने आखेआ जे अप्रैल-मई 2020 च पूर्वी लद्दाख च असल नियंत्रण रेखा पर चीन आस्सेआ बड्डी गिनतरी च सैनिकें गी किट्टा करने करी केई बिंदुएं पर सेनाएं दा आमना-सामना होआ। इस स्थिति करी गश्ती गतिविधियें च भी बाधा पैदा होई। उने सशस्त्र बलें दी भूमिका दी सराहना करदे होई आखेआ जे साजो-सामान संबंधी चुनौतियें ते कोविड दी स्थिति दे बावजूद, भारत तेजी कन्ने ते असरदार ढंगै सिर जवाबी तैनाती करने च सक्षम हा। उने आखेआ जे भारत ते चीन ने सीमा मुद्दे गी हल करने आस्तै केई दहाकें थवा गल्लबात कीती ऐ। सीमा के बुनियादी ढांचे को मजबूत करने पर सरकार की प्रतिबद्धताओं पर डॉ. जयशंकर ने कहा कि लद्दाख में सडकों, हवाई क्षेत्रों और अन्य रसद सुविधाओं के विकास में महत्वपूर्ण प्रगति हुई है। इससे सशस्त्र बलों की क्षमताओं में वृद्धि हुई है।

<><><><><><>

## India Global South

भारत नै विकासशील मुलखें गी बेहतर समर्थन देने आस्तै वैश्विक वित्तीय प्रणाली च सुधार दा आह्वान कीता ऐ। भारत नै अंतरराष्ट्रीय माली संस्थानें च ग्लोबल साउथ आस्तै मता प्रतिनिधित्व ते बहुपक्षीय विकास बैंकें-एमडीबी थवा मता पैसा देने पर जोर दिता ऐ। संयुक्त राष्ट्र दी इक बैठक च वित्तमंत्रालय च आर्थिक मामलें दी विभाग च सलाहकार सुश्री गीतू जोशी, होरें विकासशील देशें दी जरूरतें प्रति मती संवेदनशील वित्तीय प्रणाली दी जरूरता

पर जोर दिता। उने विकास चुनौतियों दा हल करने आस्तै एमडीबी वित्तपोषण गी बढ़ावा देने ते एमडीबी पारिस्थितिकी तंत्र बश्कार सहयोग गी बढ़ावा देने दे महत्व बारे च दस्सेआ। सुश्री जोशी होरें ग्लोबल साउथ आस्तै इक मिसाल दे तौर पर भारत दे मानव-केंद्रित विकास मॉडल पर लोह पाई। जिसने 250 मिलियन लोकें गी गरीबी थवा बाहर कड़ेआ ऐ।

<><><><><><>

## Houses

ग्रामीण विकास मैहकमे दे केंद्री मंत्री शिवराज सिंह चौहान होरें आखेआ ऐ जे सरकारै हर इक गरीब गी ओदा अपना पक्का मकान उपलब्ध करोआने दे जतनें गी जारी रक्खदे होई 2 करोड़ 95 लक्ख मकानें गी मंजूरी दिती ऐ। अज्ज नमीं दिल्ली च इक संवाददाता सम्मेलन गी संबोधित करदे होई उनें आखेआ जे पी.एम आवास योजना ग्रामीण दे तैहत अगले 5एं बरें च 2 करोड़ शा मते घरें दा निर्माण कीता जह्गा। उनें दस्सेआ जे प्रधानमंत्री आवास योजना ग्रामीण दे तैहत 38 लक्ख मकान अलॉट कीते गे न ते एहदे लेई 10 ज्हार 600 करोड़ रपे जारी बी कीते गे न। उनें गलाया जे पी.एम जन-मन योजना दे तैहत बरे 2024-25 लेई खासतौर पर जनजातीय परोआरें गी 46 ज्हार शा मते मकान अलॉट कीते गे'न।

<><><><><><>

## LS 5G

सरकार नै अज्ज आक्खेआ ऐ जे देशै आस्तै 7 सौ 83 जिलें च सत्त सौ नासी जिलें च 5जी सेवा उपलब्ध ऐ। लोकसभा च इक सोआले दे लिखित परते च संचार ते ग्रामीण विकास राज्य मंत्री डॉक्टर पेम्मासानी चंद्रशेखर होरें आक्खेआ जे देशै च चार लक्ख 6 हजार सोयां मते 5जी बेस ट्रांसीवर स्टेशन कायम कीते गए न। उने आक्खेआ जे दूरसंचार सेवाएं दा विस्तार कीता गेआ ऐ। उनें आक्खेआ जे 4जी ते 5जी नेटवर्क दी उपलब्धता कन्नै, उपयोगकर्ताएं बश्कार ऑनलाइन बैंकिंग सेवाएं, ई-कॉमर्स, ऑनलाइन शिक्षा ते ऑनलाइन सरकारी सेवाएं गी अपनाने च बाद्दा होआ ऐ।

<><><><><><>

## Maharashtra

भारतीय जनता पार्टी दे वरिष्ठ नेता देवेन्द्र फडणवीस महाराष्ट्र दे अगले मुख्यमंत्री होडन। ओहू कल मुंबई च प्रधानमंत्री नरेंद्र मोदी ते गठबंधन दे होर दुए वरिष्ठ नेताएं दी मौजूदगी च त्री बारी महायुति दे मुख्यमंत्री दे तौर पर सगंध लैडन। एहू समारोह मुंबई च आजाद मैदान स्टेडियम च होगा। आकाशवाणी मुंबई दे संवाददाता दी रिपोर्ट मूजब देवेन्द्र फडणवीस होर महाराष्ट्र दे 21 में मुखमंत्री होडन। उन्दे अलावा होर दुए मंत्री बी सगंध लैडन। मुंबई च अज्ज भारतीय जनता पार्टी दी कोर समिति दी बैठक च केंद्रीय वित्त मंत्री

निर्मला सीतारमण ते गुजरात दे साबका मुखमंत्री विजय रूपाणी बी मौजूद हे। उन्दी मौजूदगी च उनें गी विधायक दल दा नेता चुनेआ गोआ।

<><><><><><>

## BJP

उत्तर प्रदेश दे हिंसा प्रभावित संभल दा दौरा करने दे जतनें गी लेईए भाजपा नै अज्ज वरिष्ठ कांग्रेस नेता राहुल गांधी हुन्दी नुक्ताचीनी कीती। नमी दिल्ली च संवाददाताएं गी सम्बोधित करदे होई पार्टी प्रवक्ता सुधांशु त्रिवेदी होरें आक्खेआ जे कांग्रेस इस मामले च औपचारिकता करा र दी ऐ। उने दावा कीता जे संभल दी घटना पर कुसै बी कांग्रेस नेता नै कश्ि नेई आक्खेआ ते श्री गांधी हुन्दी एह चानचक्क पुट्टी गेदी गैं छडा मीडिया दा ध्यान आकर्षित करने आस्ता ऐ। श्री त्रिवेदी होरें आरोप लाया जे संसद दे पटल पर विपक्षी सहयोगियेे गी किट्टे आनने आस्तै विफलता मगरा, श्री गांधी उत्तर प्रदेश दे संवेदनशील क्षेत्रेे दा दौरा करने दी कोशिश करा र दे हे।

<><><><><><>

## Rural literacy

देशे च पिच्छले बरे ग्रामीण साक्षरता च मामूली जनेहा बाद्दा दर्ज कीता गेआ ऐ। एह साक्षरता 2022-23 दौरान 77 प्रतिशत ही ज़ेडी 2023-24 च बदिऐ 77 अशारिया 5 प्रतिशत होई गेई। राज्यसभा च इक लिखित परते च शिक्षा राज्य मंत्री जयंत चौधरी होरें आक्खेआ जे मर्दे दी साक्षरता दर 2022-23 च 83 अशारिया 6 फीसद ही, एह बरे 2023-24 दौरान बदिऐ 84 अशारिया 7 फीसद होई गेई ऐ। महिला ग्रामीण साक्षरता दर 2022-23 च 70 अशारिया त्रै थ्वा बदिऐ 2023-24 च 70 अशारिया 4 फीसद दर्ज कीती गेई ऐ।

<><><><><><>

## ISRO-Reschedule

भारती अंतरिक्ष अनुसंधान संगठन-इसरो नै प्रोबा-3 अंतरिक्ष यान च किश गडबडी दे सामने औने करी PSLV-C-59 दे प्रक्षेपण गी फिलहाल अगडा पाई दित्ता ऐ। एह प्रक्षेपण कल संझा 4 बज्जियै 12एं मिंटे पर कीता जाह्गा।

<><><><><><>

## Navy-Day

अज्ज नौसेना दिवस मनाया जा'रदा ऐ। भारतीय नौसेना दी भूमिका ते उपलब्धियेे गी मान्यता देने आस्तै हर बरे 4 दिसंबर गी एह दिवस मनाया जंदा ऐ। बरे 1971 च अज्जै दे दिन आपरेशन ट्राइडेंट दौरान भारतीय नौसेना नै PNS खैबर सने पाकिस्तान दे 4 पोत डोब्बी दित्ते हे। इस अभियान च सैकड़ां बद्दे पाकिस्तानी नौसेना कर्मी मारे गए हे।

<><><><><><>

## PM Navy

प्रधानमंत्री नरेन्द्र मोदी होरें नौसेना दिवस दे मौके पर जवानें गी बदाई दिती ऐ। मोदी होरें सोशल मीडिया पोस्ट च आक्खेआ जे नौसेना दे बहादुर जवान बेजोड़ साहस ते समर्पण कन्नै देशे दी समुद्री सीमाएं दी राखी करदे ना। उने आक्खेआ जे उनदी प्रतिबद्धता राष्ट्र दी सुरक्षा, ते समृद्धि यकीनी करदी ऐ। श्री मोदी होरें आक्खेआ जे भारतीय नौसेना दे समृद्ध समुद्री इतिहास पर बडा मान ऐ।

<><><><><><>

## LS-Rail

देश च पिछले दस्सैं बरें दौरान रेल दुर्घटनाएं च बड़ी मती कमी आई ऐ। 2014-15 बरे च रेल दुर्घटनाएं दी गिनतरी 135 ही जेड़ी 2023-24 च घटिये 40 उप्पर पुज्जी गई। एहदे बारै जानकारी अज्ज लोकसभा च रेलवे मंत्री अश्विन वैशणव होरें लिखित परते च दिती। मंत्री होरें आक्खेआ जे इस बरे अप्रैल शा नवंबर तगर 29 रेल दुर्घटना होइयां। मंत्री होरें आक्खेआ जे यात्रुएं सुरक्षा भारती रेलवे दी सब्बनें थमां बड्डी प्राथमिकता ऐ ते रेल यात्रा दौरान यात्रुएं दी सुरक्षा लेई लोडचदियां गैंह पुट्टियां जा'रदियां ना। उनें आक्खेआ जे एहदे तैहत गे 1 ज्हार 548 किलोमीटर रस्ते उप्पर कवच प्रणाली लागू कीती गई ऐ।

<><><><><><>

## Israel warning

इजराइल नै चेतावनी दिती ऐ जे जेकर हिजबुल्लाह कन्नै संघर्ष विराम दा उल्लंघन हन्दा ऐ। जेकर इयां हुन्दा ऐ तां ओह लेबनान च हमले करोग। हिजबुल्लाह नै विवादित सीमा क्षेत्र च दो मोर्टार दागे। इसदे मगरा इजराइल नै उस पर संघर्ष विराम दे उल्लंघन दा आरोप लाया। तोआई, इजराइल नै लेबनान च 20 सोयां मती थाहरें पर हवाई हमले कीते। इजराइल दे रक्षा मंत्री होरें आक्खेआ जे संघर्ष विराम दे उल्लंघन दा सखत परता दिता जाग। प्रधानमंत्री बेंजामिन नेतन्याहू होरें बी आक्खेआ ऐ जे इजराइल संघर्ष विराम आस्तै बचनबद्ध ऐ पर ओह कुसै बी चाल्ली दा उल्लंघन बरदाशत नेई करौग।

<><><><><><>

## U-19 Asia

शारजाह च अंडर-19 एशिया कप क्रिकेट दे ग्रुप-ए च अज्ज भारत नै संयुक्त अरब अमारात गी 10 विकेटें कन्ने हराया ऐ। संयुक्त अरब अमारात दी टीम पैहले बल्लेबाजी करदे होई 44 ओवर च 137 रन बनाईऐ आउट होई गई। भारत आस्तै युद्धजीत गुहा ने 3 जिसलै कि चेतन शर्मा ते हार्दिक राज नै दो-दो विकेट लैता। जवाब च भारत ने 16 ओवर ते इक गेंद च बिना

कुसै नुकसान दे 143 रन बनाईऐ मैच जीती लैता। आयुष महात्रे 67 ते वेभव सूर्यवंशी 76 रन बनाईऐ नाबाद राए। इस जीत कन्नै भारत ग्रुप-ए च चार अंके कन्नै दुई थाहर पर ऐ।

<><><><><><>

## Hockey

ओमान दे मस्कट च जूनियर एशिया कप हॉकी दे फाइनल च भारत दा मुकाबला पाकिस्तान कन्नै होगा। एह मैच भारतीय समें मूजब राती साड्डे अट्ट बजे शुरू होगा। टूर्नामेंट च मौजूदा चैंपियन भारत इक भी मुकाबला नेई हारेआ ऐ ते टीम दी नजर अपने 5में ते लगातार त्रिए खिताब पर टिकी दी ऐ। भारत नै सेमीफाइनल च दिलराज सिंह, रोहित ते शारदा नंद तिवारी दे गोल दी मदद कन्नै मलेशिया गी 3-1 कन्नै हराईए फाइनल च अपनी थाहर पक्की कीती। पाकिस्तान ने जापान गी 4-2 कन्नै हराईऐ फाइनल च थाहर बनाई।

<><><><><><>

## RNU Raising Day

आकाशवाणी दा क्षेत्रीय समाचार एकांश जम्मू औंदी 6 दिसम्बर गी अपना 54मां स्थापना दिवस मनाने जा'रदा ऐ। इस सिलसिले च एकांश केई सारे कार्यक्रमें दा आयोजन करै करदा ऐ। स्थापना दिवस आले रोज 6 दिसम्बर गी बड्डुलै साड्डे 9 बजे, 30एं मिनटें दा इक विशेष कार्यक्रम प्रसारत कीता जाहग जेह्दे च क्षेत्रीय समाचार एकांश दी भूमका, जिम्मेवारिएं ते कम्म करने दे तौर-तरीके दे अलावा, इत्थे कम्म करी चुके दे अधिकारिएं कन्नै गल्लबात बी शामिल होगा। एह्दे अलावा संझा 7 बजे बी 15 मिनटें दा इक विशेष कार्यक्रम प्रसारत कीता जाग जेडा इस मौके पर स्हाडे श्रोताएं ते जम्मू-कश्मीर दिएं नामवर हस्तिएं आसेआ भेजी जा'रदिएं शुभ कामनाएं पर आधारित होडन। अपने कर्मिएं दी हौसला-अफज़ाई लेई, ऐकती स्थापना दिवस दे मौके पर उनें'गी सम्मानित बी कीता जाहग जिंदे च 2024 ब'रे दे बेह्तरिन समाचार सम्पादक, डोगरी ते गोजरी दे बेह्तरिन समाचार वाचक ते अनुवादक, बेह्तरिन जिला संवाददाता ते जनरल स्टाफ श्रेणी च बेह्तरिन कर्मी दे सम्मान शामिल न। इस मौके पर 2024 आले लोकसभा ते विधानसभा चुनाएं दरान आकाशवाणी दे विशेष कार्यक्रमें लेई सैह्योग ते जोगदान देने आह्लें गी बी सम्मानित कीता जाहग।

<><><><><><>